

ხელშეკრულება № 3/267

სახელმწიფო შესყიდვის შესახებ
(გამარტივებული შესყიდვა)

ქ. თბილისი

20 „თებერვალი“ 2010წ.

სსიპ „კულტურული მემკვიდრეობის დაცვის ეროვნული სააგენტო“ შემდგომში წოდებული „შემსყიდველად“, წარმოდგენილი სააგენტოს გენერალური დირექტორის ნიკოლოზ ვაჩიშვილის სახით და ააიპ „ინჟინრული აზრი“, შემდგომში წოდებული „მიმწოდებლად“, მისი დირექტორის მალხაზ ლეკვეიშვილის სახით, ორივე ერთად წოდებული როგორც „მხარეები“, ვმოქმედებთ რა „სახელმწიფო შესყიდვების შესახებ“ საქართველოს კანონის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებული ტერმინების მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და შემსრულებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა ორგანიზაციამ შემსრულებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „შემსრულებელი“ – პირი, რომელიც ახორციელებს მომსახურებას ამ ხელშეკრულების ფარგლებში.

1.6 „მომსახურება“ – წინამდებარე ხელშეკრულების 2.1 პუნქტით გათვალისწინებული ხელშეკრულების საგანი.

2. ხელშეკრულების საგანი

2.1. უჯარმის ციხე-კომპლექსისა და მის მიმდებარედ ავტოსადგომისათვის საჭირო ტერიტორიის საკადასტრო აზომვა, ტოპოგადაღება და გელათის სამონასტრო კომპლექსის წინა ტერიტორიის საკადასტრო აზომვა.

2.2. შემსყიდველი იღებს ვალდებულებას აუნაზღაუროს შემსრულებელს წინამდებარე ხელშეკრულების ფარგლებში ფაქტიურად მომსახურების ღირებულება.

3. ხელშეკრულების ღირებულება

3.1. ხელშეკრულების საერთო ღირებულება შეადგენს: (ხარჯთაღრიცხვის შესაბამისად, რომელიც წარმოადგენს ხელშეკრულების განუყოფელ ნაწილს)

1680 (ერთი ათას ექვსას ოთხმოცი) ლარს

(თანხა ციფრებით და სიტყვიერად)

3.2. ხელშეკრულების ღირებულება შეიცავს შემსრულებლის ყველა ხარჯსა და საქართველოს კანონმდებლობით გათვალისწინებულ გადასახადებს.

3.3. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4. მხარეთა ვალდებულებები

4.1. შემსრულებელი ვალდებულია:

ა) შემსყიდველს გაუწიოს უნაკლო და ხარისხიანი მომსახურება ხელშეკრულების გაფორმებიდან 2010 წლის 27 დეკემბრის ჩათვლით.

შემსყიდველი ვალდებულია:

ა) წინამდებარე ხელშეკრულების შესაბამისად გადაუხადოს შემსრულებელს გაწეული მომსახურების ღირებულება.

ბ) უზრუნველყოს გაწეული მომსახურების ინსპექტირება და დადებითი შეფასების შემთხვევაში მისი მიღება;

5. ხარისხი

5.1 მომსახურების ხარისხი უნდა შეესაბამებოდეს ქვეყანაში მოქმედ ნორმებს და უნდა იყოს ხარისხიანი.

5.3 შემსრულებელი ვალდებულია შეტყობინების მიღებისთანავე განახორციელოს წუნდებული მომსახურების გამოსწორება შემსყიდველის მხრიდან რაიმე დამატებითი დანახარჯის გაწევის გარეშე.

6. ხელშეკრულების შესრულების კონტროლი

6.1 შემსყიდველის მიერ ხელშეკრულების შესრულების კონტროლი განხორციელდება პერიოდულად, როგორც მომსახურების გაწევის დროს, ისე ამ ხელშეკრულების მოქმედების პერიოდში შემსყიდველის მოთხოვნათა შესაბამისად. ინსპექტირებას განახორციელებს დაცული ტერიტორიების მართვისა და მონიტორინგის სამსახურის უფროსი კოორდინატორი ნინო დვალი.

6.2. შემსრულებელი ვალდებულია:

ა) ხელი შეუწყოს შემსყიდველს ინსპექტირების განხორციელებისას.

ბ) საკუთარი ხარჯებით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა შემსყიდველის წერილობითი შეტყობინებიდან 1 დღეში.

7. მომსახურების მიღება-ჩაბარების წესი

7.1. მომსახურების მიღება წარმოებს მიღება-ჩაბარების აქტის სახით. გაწეული მომსახურება მიღებულად ჩაითვლება მიღება-ჩაბარების აქტის გაფორმების შემდგომ. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით ინსპექტირების დადებითი დასკვნის საფუძველზე.

7.2. მომსახურების მიღება-ჩაბარებას აწარმოებს დაცული ტერიტორიების მართვისა და მონიტორინგის სამსახურის უფროსი კოორდინატორი ნინო დვალი.

8. ანგარიშსწორება

8.1. ანგარიშსწორება განხორციელდება შემდეგი პირობებით:

ა) ანგარიშსწორების ვალუტა – ლარი;

ბ) ანგარიშსწორების ფორმა – უნაღლო, წინამდებარე ხელშეკრულებაში მითითებული შემსრულებლის საბანკო რეკვიზიტების შესაბამისად.

8.2 ანგარიშსწორების საფუძველს წარმოადგენს მიღება-ჩაბარების აქტი.

8.3 შემსყიდველი იღებს ვალდებულებას გადაუხადოს შემსრულებელს გაწეული მომსახურების ღირებულება მიღება-ჩაბარების აქტის გაფორმებიდან 2010 წლის 31 დეკემბრის ჩათვლით. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, ანგარიშსწორება განხორციელდება მომდევნო სამუშაო დღეს.

9. ხელშეკრულების შესრულების შეფერხება

9.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

9.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. მხარეთა პასუხისმგებლობა ხელშეკრულების პირობების დარღვევისათვის

10.1. წინამდებარე ხელშეკრულების 4.1 პუნქტის გათვალისწინებული ვადების გადაცილების ან/და 6.3 პუნქტით განსაზღვრული პირობების დარღვევის შემთხვევაში, შემსრულებელი ეკისრება პირგასამტეხლო ყოველ გადაგადაცილებულ დღეზე განუხორციელებელი მომსახურების ღირებულების 0.1%-ის ოდენობით. მომსახურება მიღებულად ჩაითვლება მხოლოდ მიღება-ჩაბარების აქტის გაფორმების შემთხვევაში.

10.2. წინამდებარე ხელშეკრულების 8.3 პუნქტით განსაზღვრული გადახდის ვადის გადაცილების შემთხვევაში შემსყიდველს ეკისრება პირგასამტეხლო ყოველ გადაგადაცილებულ დღეზე გადასახდელი თანხის 0,1%-ის ოდენობით.

10.3. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს შემსრულებელი ხელშეკრულების შეწყვეტის მომენტისთვის გადასახდელი თანხის ანაზღაურება.

10.4. პირგასამტეხლოს გადახდა არ ათავისუფლებს შემსრულებელი ძირითადი ვალდებულებების შესრულებისაგან.

11. ხელშეკრულებაში ცვლილებების შეტანა

11.1. ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

12.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და შემსრულებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგინილი წესის მიხედვით მიმართოს საქართველოს სასამართლოს.

13. ხელშეკრულების შეწყვეტა

13.1. თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში. აღნიშნულის თაობაზე მეორე მხარეს უნდა ეცნობოს წერილობით 10 (ათი) დღით ადრე.

13.2. შემსყიდველს შეუძლია შეწყვიტოს ხელშეკრულება, შემსრულებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ შემსრულებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მომსახურების განხორციელება;

ბ) თუ შემსრულებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო შემსრულებელი ვერ უზრუნველყოფს ხელშეკრულებით ნაკისრი ვალდებულებების შესრულებას;

13.3. ხელშეკრულების ცალკეული პირობების მოქმედების შეწყვეტა არ ათავისუფლებს შემსრულებელს დანარჩენი ვალდებულებების შესრულებისაგან.

13.4. ხელშეკრულება შეიძლება შეწყდეს მხარეთა ურთიერთშეთანხმებით.

14. ხელშეკრულების მოქმედების ვადა

14.1. წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2010 წლის 31 დეკემბრის ჩათვლით.

15. ფორს-მაჟორი

15.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2. ამ მუხლის მიზნებისათვის "ფორს-მაჟორი" ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და შემსრულებლის შეცდომებსა და დაუღვერობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

15.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. სხვა პირობები

ხელშეკრულება შედგენილია სამი თანაბარი ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა შემსრულებელს, ხოლო ორი – შემსყიდველს.

17. მხარეთა რეკვიზიტები:

შემსყიდველი

შემსრულებელი

სსიპ „კულტურული მემკვიდრეობის დაცვის ეროვნული სააგენტო“

ააიპ „ინჟინრული აზრი“

მისამართი: ქ. თბილისი, თაბუკაშვილი №5
ტელეფონი: (995 32) 93 13 49,
საბანკო რეკვიზიტები: ანგ. №901915400
სახელმწიფო ხაზინა, კოდი 220101222,
სკ- 204562311

მისამართი: ქ.თბილისი, ლესელიძის ქ. №18
ტელ: 987941
საბანკო რეკვიზიტები: ანგ. №003606196
ს/ს „საქართველოს ბანკი“, ცენტრალური ფილიალი
ბ/კ 220101502
ს/კ 204400022

გენერალური დირექტორი

დირექტორი

ნიკოლოზ ვაჩიშვილი

მალხაზ ლეკვეიშვილი



უჯარმის არქიტექტურული კომპლექსის
 ავტოსადგომის და გელათის სამონასტრო
 კომპლექსის წინა ტერიტორიის ტოპოგრაფიკა
 და საკადასტრო აზომეა

დამკვეთი : საქართველოს კულტურული მემკვიდრეობის
 დაცვის ეროვნული სააგენტო

შემსრულებელი ააიპ "ინჟინრული აზრი"

№	სამუშაოების დასახელება	განზ. კერძ.	განზ. რაოდ.	ხელფასი	
				კერძ.ფასი	ჯამი
1	უჯარმის არქიტექტურული კომპლექსის ავტოსადგომის ტერიტორიის საკადასტრო აზომეითი სამუშაოები	ჰა	3	227.00	680.00
2	უჯარმის არქიტექტურული კომპლექსის ავტოსადგომის ტერიტორიის ტოპოგრაფიკა	ჰა	3	267.00	800.00
3	გელათის სამონასტრო კომპლექსის წინა ტერიტორიის საკადასტრო აზომეითი სამუშაოები	ჰა	0.5	400.00	200.00
	სულ				1680.00

შემსრულებელი
 ააიპ "ინჟინრული აზრი"

დირექტორი



დამკვეთი

უჯარმის არქიტექტურული კომპლექსის
ავტოსადგომის ტოპოგრაფიკა
და საკადასტრო აზომვა

დამკვეთი : საქართველოს კულტურული მემკვიდრეობის
დაცვის ეროვნული სააგენტო

შემსრულებელი ააიპ "ინჟინრული აზრი"

№	სამუშაოების დასახელება	განზ. კრთ	განზ. რაოდ	ხელფასი	
				კრთ.ფასი	ჯამი
1	უჯარმის არქიტექტურული კომპლექსის ავტოსადგომის ტერიტორიის საკადასტრო აზომვითი სამუშაოები	ჰა	3	227,00	680,00
2	უჯარმის არქიტექტურული კომპლექსის ავტოსადგომის ტერიტორიის ტოპოგრაფიკა	ჰა	3	267,00	800,00
	სულ				1480,00

შემსრულებელი
ააიპ "ინჟინრული აზრი"
დირექტორი



მ. ლაკვეიშვილი

გელათია სამონასტრო კომპლექსის
წინა ტერიტორიის საკადასტრო
აზომებითი სამუშაოების ხარჯთაღრიცხვა

დამკვეთი : საქართველოს კულტურული მემკვიდრეობის დაცვის ეროვნული სააგენტო

შემსრულებელი ააიპ "ინჟინრული აზრი"

№	სამუშაოების დასახელება	განზ. კრთ	განზ. რაოდ	ხელფასი	
				კრთ.ფასი	ჯამი
1	გელათის სამონასტრო კომპლექსის წინა ტერიტორიის საკადასტრო აზომებითი სამუშაოები	ჭა	0,5	400,00	200,00
	სულ				200,00

შემსრულებელი
ააიპ "ინჟინრული აზრი"

დირექტორი

 მ. ლაკვიშვილი

